



Broj: 01/01-34-1724/23  
Sarajevo, 25.05.2023. godine

Na osnovu člana 5. stav (1) Zakona o kontroli i ograničenoj upotrebi duhana, duhanskih i ostalih proizvoda za pušenje („Službene novine Federacije BiH“, broj: 38/22) i člana 27. Statuta Javne ustanove „Služba za zapošljavanje Kantona Sarajevo“ Sarajevo (br: 05/1-3306/08 od 22.05.2008. godine, 05/1-0224/12 od 08.02.2012. godine, 05/1-0542/12 od 21.03.2012. godine i 05/1-0867/16 od 27.06.2016. godine) v.d. direktorica *d o n o s i*

## **O D L U K U O ZABRANI PUŠENJA U JAVNIM PROSTORIJAMA**

### **I**

U svim zatvorenim prostorima i mjestu rada svih radnika Javne ustanove „Služba za zapošljavanje Kantona Sarajevo“ Sarajevo (u daljem tekstu: Služba), a u cilju zaštite zdravlja, kao i svih drugih osoba koje povremeno ili privremeno borave u prostorima Službe, zabranjuje se pušenje.

### **II**

Pod zatvorenim prostorom Službe, u smislu ove odluke, podrazumijeva se cijeli prostor u sklopu sjedišta Službe, odnosno zajednički prostor u kojima su smještene druge javne institucije na adresi Đoke Mazalića broj: 3, svi prostori koji se koriste kao općinski biroi rada i „Centar za poslodavce“ kao i svaki povezani i drugi pripadajući zatvoreni prostor kao što su hodnici, liftovi, stepeništa, predvorja, zajedničke prostorije, toaleti, čekaonice, kantine, pomoćni objekti, magacini, podrumi, garaže.

Mjesto rada, u smislu ove odluke, je svaki prostor koji služi za obavljanje poslova i može biti natkriven, polunatkriven, u potpunosti ili djelimično ograđen, bez obzira na vrstu materijala od kojeg je sagrađen kao i svaki povezani i drugi pripadajući javni zatvoreni prostor (hodnici, liftovi, stepenice, zajednički prostori, kafeterije, kantine, toaleti i sl.). Mjesto rada uključuje i poslovna vozila pod kontrolom Službe, a koja služe za obavljanje poslova i usluga.

### **III**

Protiv radnika Službe koji se ne pridržavaju odredbi Zakona iz tačke III ove odluke pokrenut će se odgovarajući postupak u cilju utvrđivanja odgovornosti zbog narušavanja utvrđenih zakonskih odredbi.

Istovremeno, zbog nepridržavanja odredbi Zakona iz stava prednjeg, sa drugim osobama koje povremeno ili privremeno borave u prostorima Službe, postupit će se na način i u skladu sa članom 6. stav (4) Zakona o kontroli i ograničenoj upotrebi duhana, duhanskih i ostalih proizvoda za pušenje („Službene novine Federacije BiH“, broj: 38/22).

## IV

Osim odgovornosti zbog narušavanja zakonskih odredbi, radnik ili druge osobe koje povremeno ili privremeno borave u prostorima Službe za isti prijestup mogu istovremeno odgovarati i prekršajno shodno odredbama Zakona o kontroli i ograničenoj upotrebi duhana, duhanskih i ostalih proizvoda za pušenje („Službene novine Federacije BiH“, broj: 38/22).

## V

Odluka stupa na snagu danom donošenja i objavljuje se na oglasnoj ploči i web stranici Službe, a počinje se primjenjivati danom primjene Zakona o kontroli i ograničenoj upotrebi duhana, duhanskih i ostalih proizvoda za pušenje („Službene novine Federacije BiH“, broj: 38/22), odnosno dana 28.05.2023. godine.

Pripremila: Amna Ibrahimović  
Kontrolisala: Asifa Vrabac



Dostaviti:

- Sektor za opće, zajedničke i pravne poslove – Oglasna ploča
- Sektor za podsticajne mјere zapošljavanja i informatičke poslove – web stranica Evidencija,
- A/a.

